



Formannafundur

## **1. formannafundur HSV starfsárið 2019-2020, mánudaginn 30.09.19 kl. 20:00.**

### **Haldinn í Vestrahúsi.**

Mætt voru: Sigmundur Þórðarson Höfrungi, Marinó Hákonarson Hendingu, Kristinn Kristjánsson Gí, Guðni Guðnason aðalstjórn Vestra, Svava Rán Valgeirsdóttir Stefni, Salmar Már Salmarsson aðalstjórn og handboltadeild Harðar, Hákon Sigurðsson Glímudeild Harðar, Veiga Grétarsdóttir Sæfara, Finnur Magnússon Kubba, Valur Richter Skotíþróttafélagið Ísafjarðarbæjar, Ásgerður Þorleifsdóttir formaður HSV og Sigríður Lára Gunnlaugsdóttir framkvæmdastjóri HSV sem ritar fundargerð.

#### Dagskrá:

1. Sambandsþing UMFÍ.

Helgina 11.-13. október fer fram sambandsþing UMFÍ. Ásgerður formaður fer yfir helstu tillögur og afstöðu stjórnar til þeirra. Stærsta málið er tillaga er heimilar íþróttabandalögum inngöngu í UMFÍ. Nokkrar umræður voru um þessa tillögu og sérstaklega um hvaða breytingar innganga bandalaganna hefði í för með sér fyrir starf UMFÍ og sambandanna sem þar eru. Formannafundur styður niðurstöðu stjórnar HSV.

2. Uppbyggingaáætlun íþróttamannvirkja Ísafjarðarbæjar

Íþrótt- og tólmstundanevnd vill endurskoða uppbyggingaáætlun íþróttamannvirkja Ísafjarðarbæjar sem er frá 2013. Óskað er eftir þarfagreiningu frá aðildarfélögum út frá gömlu stefnunni þannig að hún verði uppfærð og í takt við núverandi þarfir. Ný endurskoðuð uppbyggingaáætlun verður svo höfð til hliðsjónar við gerð uppbyggingasamninga við aðildarfélög HSV. Framkvæmdastjóri mun senda formönnum aðildarfélaga HSV bréf síðar í vikunni með beiðnu um gerð þarfagreiningar. Skilafrestur þarfagreiningar til HSV er til 31. október. Marinó minnir á að ekki verði í áætluninni eðlileg viðhaldsverkefni líkt og var í síðustu áætlun. Fundarmenn brýna fyrir stjórn að standa vörð um að fé til uppbyggingasamninga verði ekki höggvið niður aftur líkt og gert var fyrir árið 2019. Þetta er leið sem munar miklu fyrir félögin í uppbyggingu aðstöðu.

3. Jafnréttisáætlun HSV og Fræðslu- og forvarnarstefna HSV lagðar fram til samþykktar. Stefnan og áætlunin hafa verið endurskoðaðar og eru nú lagðar fyrir formannafund til samþykktar samkvæmt ákvörðun Héraðsþings. Fundarmenn gera ekki athugasemdir en Veiga Grétarsdóttir bendir á að ekki er minnst á transfólk í jafnréttisáætluninni. Framkvæmdastjóra HSV falið að ræða við ÍSÍ og hvetja til að málefni transfólks verði



## Formannafundur

tekið með í endurskoðaðri áætlun ÍSÍ sem væntanlega er í vor. Jafnréttisáætlun HSV er lifandi plagg og verður aðlöguð að breyttri stefnu ÍSÍ þegar hún kemur.

Formannafundur samþykkir endurskoðaðar og breyttar Jafnréttisáætlun HSV og Fræðslu- og forvarnarstefna HSV.

### 4. Samstarfssamningur HSV og Ísafjarðarbæjar

Samstarfssamningur HSV og Ísafjarðarbæjar rennur út um næstu áramót. Byrjað er að huga að nýjum samningi. Formannafundi kynnt helstu áherslumál HSV við samningsgerðina.

### 5. Starfsárið framundan

#### a. Íþróttaskóli

Íþróttaskóli, vinnufundur framundan, undirbúningur hafinn á úttekt. Nokkuð góð staða á minni stöðunum. Boltaskóli á Suðureyri að fara í gang en ekki hefur náðst að manna grunnþjálfun þar en vonir standa um að úr rætist fljótlega.

#### b. Sjóðir HSV; framkvæmdastjóri kynnir að fljótlega verður auglýst eftir umsóknum í styrktarsjóð þjálfara HSV og afrekssjóð HSV.

#### c. Afreksform HSV

Framkvæmdastjóri segir frá breytingum á starfi afreksforms en nú verður farið í samstarf við Crossfit Ísafjörður með húsnæði. Einnig verður aukið við fræðslu því auk andlegu þjálfunar líkt og síðast þá verður nú einnig boðið upp á fræðslu um næringu.

#### d. Stundataflan og frístundarúta

Stundatafla íþróttahúsanna er tilbúin. Er hún að mestu leiti eins og í fyrra. Frístundarúta verður með sama fyrirkomulagi og í fyrra, Holtahverfið verður með en stoppistöðvum hefur verið fækkað. Nokkur umræða var um strætóferðir til minni staðanna. Fundarmenn orðnir leiðir á bið og endalausum umræðum án lausna. Svava bendir á að með núverandi skorti á frístundarútu sé íþróttaiðkun ungmenna á Þingeyri, Suðureyri og Flateyri háð aðstöðu og áhuga foreldra og það er óviðunandi ástand. Einnig skorti samráð og samtal við íbúa áður en farið er í breytingar á strætóferðum

#### e. Starfsmannamál

Breytingar eru framundan í starfsmannamálum HSV. Framkvæmdastjóri tilkynnir að hún hyggst hætta sem framkvæmdastjóri HSV um áramót. Starfið hefur verið auglýst og er umsóknarfrestur til 14. október.

### 6. Önnur mál



## Formannafundur

- a. Biðaðstaða fyrir börn í íþróttahúsinu á Torfnesi. Sigmundur spyr hvenær komið verði upp aðstöðu fyrir börn á Torfnesi. Ása taldi að nú væri beðið eftir að Vestri kæmi með tillögum um stöasetingu og aðstöðu, en taka þarf tillit skoðana arkitekts hússins og einnig að rýmið sem hugsað er fyrir biðstöðu er flóttaleið út úr húsinu. Því hefur lítið áunnist enn í þessu máli.
- b. Opnunartími á íþróttamiðstöðvar á Þingeyri. Sigmundur upplýsti um að beðið væri ákvörðunar Ísafjarðarbæjar um opnunartíma sundlaugarinnar á Þingeyri en óskað hefur verið eftir að hún væri opin á laugardögum yfir veturinn líkt og á sumrin. Það er einnig hagsmunamál fyrir HSV en mikið leikjaálag er í íþróttahúsunum í Torfnesi og Bolungarvík og því mikilvægt að geta verið með leiki á Þingeyri bæði laugardaga og sunnudaga. Framkvæmdastjóri mun senda til sviðstjóra skóla og tómstundsviðs ítrekun og upplýsingar um mikilvægi laugardagsopnunar.
- c. Uppbyggingasamningar. Í lok fundar var aftur nokkur umræða um uppbyggingasamninga og mikilvægi þeirra. Valur óskaði eftir að ferlið væri gert skýrara og einfaldara. Fundarmenn tóku undir það. Framkvæmdastjóri mun koma þeirri ósk fundarins til íþrótt- og tómstundarnefndar.